

余等在此拾開元錢一枚，則此遺址可能是唐代所遺也。二十七日繼續往南考察，初向南行，過克子爾沁，轉南東行，過卡勒克沁小城，周一百八十米，門向北開，牆爲土坯所砌，高約六米，在城外拾開元錢二枚，則此地亦爲唐代遺址。復向南東行，抵通古斯巴什舊城北一村莊住。舊城在莊南，名通古斯巴什（附圖拾貳，1），蓋謂「通古斯族首領」之義，爲龜茲大城之一。四面城牆，巍然獨存，城四隅尚有突出城堞。牆外尚存城堞五。高約九，周約八百二十五米，土坯所砌。南北開門，門寬約一·三米，北門樓尚存，在北門樓東有古房遺址數處。九月二十八日開始工作，先掘城內東邊垃圾堆處，發現布巾之類。次日仍繼續掘通古斯巴什舊城，先掘城中高地，深六十餘厘米即現土牆，斷爲房基。再下深一·六米到底，發現乾草甚多。又出現胡麻、油餅及木屑之類。油餅圓形，徑尺餘，蓋用榨筒榨出。余在胡乃瑪莊時見一家正在榨油，其法：鑿一樹爲槽，大可盈拱，高約一米，中空，置菜子於內，以杵搗之，下有孔漏油，別以橫木架杵，用驢或馬拉轉，杵上加木石之類頗重，一人一面趕驢，一面撈菜子粉，下有一碗承油，不知古時與此法相同否？現在此地仍用胡麻油、菜油、棉子油，唯無芝麻油耳。在此地掘完後，又掘昨日之垃圾堆，又發現布巾、木柄、鞋履之類甚多。又有一布口袋，可能是盛弓箭之用。又有木碗、木具等等。余發現此類遺物時，本地人均笑之，而余則認爲至寶。又本地居民在城中拾一殘紙，上有唐大曆年號，是此城爲唐城無疑。當汗木多等工作通古斯巴什舊城時，余往南考察，單騎往訪南十里之不徒瓦什舊城，城周約二百五十米，亦爲小城。門向北開，牆基尚存，高約二米許，爲土坯所砌。往西略偏南又有一舊城，名可提尤干，爲一土墩，並非古城。墩下爲土築，上爲磚砌；周圍一三〇，高約六米。附近里許，有紅泥灘一塊，紅陶片散布甚多，間有鐵塊、小銅錢，或爲古屯兵之所，以捍衛通古斯巴什舊城也。據說在可提尤干西南約二十里，另有一小城，名烏斯木，余以泥灘難行未去，想此一帶小城必多也。余等連日考察伯勒克斯以南諸古城，除色當沁、克子爾沁相當於漢城，屬大望庫木系統外，若勒哈米沁、卡勒克沁、通古斯巴什、不徒瓦什、可提尤干均爲唐城，其牆址均爲土磚所砌，有唐開元錢散布，陶片亦屬於唐代系統，則此一帶遺址，時代可能相當於唐，而以通古斯巴什爲一政治中心區也。

3. 羊達克沁大城及周圍之古址 我在通古斯巴什舊城工作完後，轉向北考察以北迤東之古城。九月三十日，由通古斯村莊住地出發，向北行，經行沙磧及湖灘，裕勒都司渠水下流灌地後，餘水每溢爲湖澤。過此轉東偏北行，約二十餘里，抵玉爾滾沁大城（附圖拾貳，2）。城居於湖灘之中，有內外二城，頗大。外城周圍約一千四百二十五米，較通古斯巴什城爲大。城牆已傾圮，祇餘牆基，高約三米，東牆略有未傾圮者，爲土坯所砌，中夾枯柘木條，疑爲後人所重修，當初乃土築也。城中有一小城，在北，與外城相連，周三百四十六米，中有土阜，蓋爲古建築物之傾圮者，無一遺物可檢。城外沙窩棋布，城內泥淖深尺